

Donostia, 2015eko azaroaren 20a

UDALBATZAKO IDAZKARITZA NAGUSIARI

KONTROL MOZIOA

ULIA MENDIA DELA-ETA

Loïc Alejandro Irabazi Donostia udal Taldeko zinegotziak, Udalbatzaren Organo Araudiko 98. artikulua oinarri, KONTROL MOZIO hau aurkezten du. Mozio hau GUNE PUBLIKOEN BATZORDEAK (OBRAK ETA HIRI ZERBITZUAK) azaroaren 16an izandako bileran egindako interpelazioaren ondorioa da.

JUSTIFIKAZIOA

Joan den 16an, interpelazio bat egin genion Alfonso Gurpegui Gune Publikoetako, Ekologiako eta Festa Jardueretako zinegotzi ordezkariari, mendi horretako itsaslabarren gainetik doan bide bati buruz, duela gutxi sasiz garbitu da-eta.

Gurpeguik ez zion erantzun interpelazioari, ez zekielako, bere esanetan, zertaz ari ginen zehazki, eta badagoelako beste bide bat mendiaren goiko aldetik doana.

Ingurumen Sailak bide bakarra ezagutzen du, "georuta"¹ izenekoa. Web orrian ikus dezakegu bide hori, gorritz azpimarratuta, goialdekoa dela; izena du "Talaia" edo "Santiago bidea". Inguruan, intereseko puntuak markatuta daude, argazki eta guzti, baina ez da azaltzen nola iritsi horietara. Ingurumen Sailaren jarrera da jendea ez bultzatzea bide nagusia ez diren bideetan ibiltzera.

Badago bidezidor, bat itsasertzetik askoz hurbilago pasatzen dena, eta toki batzuetan itsaslabarrak ia ukitzen dituena. Zidor hau, Club Vasco de Campingaren esanetan, sasiz garbitu du Udaleko Parke eta Lorategietako Zerbitzuak², Ingurumen Sailak ezer jakin gabe eta, hortaz, lan horrek eragin zitzakeen erasanen berri eman ahal izan gabe.

1

2 <http://v.gd/Xuek04>

Gure interpelazioan esan genuen bezala, Ulia mendia Garrantzi Komunitarioko Lekutzat sartuta dago Hiria Antolatze Plan Orokorrean (HAPO) eta Natura 2000 Sarearen barruan ere badago. HAPOren arabera, plan berezi bat egin behar da esparru hori antolatu eta babesteko. Izan ere, HAPOk dioen bezala, interes ekologikoa duten aldeetako bat Ulia mendia da, zehatz esanda, itsasertzeko zatia, oso malkartsua dena; bertan itsaslabarrek 100 m-ko desnibela erraz gainditzen dute toki batzuetan.

Alde hartako paisaia oso berezia eta kalitate handikoa da eta, hortaz, zaindu beharrekoa. Itsasotik hurbil bizitzera egokitutako landare formazio interesgarriak ditu (gazitasuna, haizeak, hezetasuna). Gainera, hainbat habitat ere baditu (kostalde atlantiko eta baltikokoetako landaredun itsaslabarrak; txilardi lehor europarrak; kostalde atlantikoko txilardi lehorrak; malda harritsu silizeoak, landaretza kasmofitikoak dutenak), eta interes handiko espezieak. Landare endemiko baten presentzia nabarmentzen da (*Armeria euscadiensis*). Espezie Mehatxatuen Katalogo Nazionalean dago (“desagertzeko arriskuan” kategorian), bai eta Espezie Mehatxatuen EAeko Katalogoan ere (espezie “arraro” moduan katalogatuta). Aipagarriak dira, baita ere, itsaslabarretan habea egiten duten itsas hegaztien koloniak.

Itsaslabar horiek lehen mailako guneak dira udalerriko faunari dagokionez, eta azpimarragarrienetakoak Gipuzkoako kostaldeari dagkionez. Hor kokatzen da hegazti habiagileen kolonia handi bat; haien arteko bost espezie, gutxienez, Mehatxatutako Espezieen EAeko Katalogoan³ daude. Itsaslabar horiek Uliako Garrantzi Komunitarioko Lekuaren barruan daude (ES2120014 kodea).

Aurreko gobernua HAPOk ezarritako plan berezia egiten hasi zen, baina, dirudienez, plana ez zen amaitu ez onartu. Hala eta guztiz ere, plan hori ezinbestekoa da Garrantzi Komunitarioko Lekuaren ingurumen-aberastasuna zaintzen dela bermatzeko, bai eta bertan baimendutako jarduerak definitzeko eta nola gauzatu behar diren zehazteko ere. Horiek horrela, honako kontrol mozioa aurkezten dugu:

KONTROL MOZIOA

1. Udalbatzak hertsatuki eskatzen dio udal Gobernuari lehenbailehen amaitzeko Ulia mendiko Plan Berezia egiten, flora, fauna, itsaslabarrak eta ingurumen aldetik interesekoak diren beste alde batzuk zaintze aldera.

³ Espezie horietako hiru (ekaitz-txori europarra, belatz handia eta ubarroi mottoduna) “arraro” moduan katalogatuta daude. Beste biak (belea eta kaio iluna), “interes berezikoa” kategorian.



Donostiako Udala
Ayuntamiento de San Sebastián

irabazi
DONOSTIA

Grupo Político IRABAZI DONOSTIA Talde Politikoa

Ijentea, 1, 20003 Donostia / San Sebastián

irabazi@donostia.eus - Tel. 943481717 - www.irabazidonostia.org

2. Udalbatzak hertsatuki eskatzen dio udal Gobernuari, Ulia mendiko Plan Berezia amaitzen ez den bitartean, ez uzteko ezer egiten alde horretan, Ingurumen Sailaren oniritzia izan gabe, behintzat.
3. Udalbatzak hertsatuki eskatzen dio udal Gobernuari bere eskumenekoak diren natura aldeak zorrotzasun handiz kontrolatzeko, halako moduan non ezin den arriskuan jartzen dituen ezer egin bertan.

Loïc Alejandro,
Irabazi Donostia udal taldeko zinegotzia